

七十二家集

庾開府集卷之三

周新野庾信子山著

明閩漳張爕紹和纂

樂府

周祀圜丘歌十二首

隋書樂志曰周閔帝受禪居位曰淺明
帝雖革魏氏之樂而未臻雅正天和元
年武帝初造山雲舞以備六代南北郊
雩壇太廟禘祫俱用之六舞者大夏大
濩大武正德武德山雲也於是正定
雅音爲郊廟樂宣帝嗣位皆循用之

昭夏

降神

重陽禋祀大報天丙午封壇肅且圉孤竹之管
雲和弦神光未樂府作來下風肅然王城七里通天
臺紫微斜照影徘徊連珠合璧重光來天策暨
轉鈎陳開

皇夏

皇帝入門

旌廻外壘蹕靜郊門千乘按轡萬騎雲屯藉茅
無咎掃地唯尊揖讓展禮衡璜節步星漢就列
風雲相顧取法于天降其永祚

昭夏

俎入

日至大禮豐犧上辰牲牢脩牧蘭栗毛純俎豆
斯立陶匏以陳大報反命居陽兆日六變鼓鐘
三和琴瑟俎奇豆偶惟誠惟質

昭夏

奠玉帛

員玉已奠蒼幣斯陳瑞形成象璧氣含春禮從
天數智總圓神爲祈爲祀至敬咸遵

皇夏

皇帝升壇

七里

一作星

是仰八陛有憑就陽之位如日之升

思虔肅肅致敬繩繩祀史陳信玄象斯格惟類

之典唯靈之澤幽顯對揚人神咫尺

雲門舞

初獻

獻以誠鬱以清山壘舉沈齊傾惟尚饗洽皇情
降景福通神明

雲門舞

初獻
配帝

長丘遠歷大電遙源弓藏高隴鼎沒寒門人生
于祖物本于天奠神配德迄用康年

登歌

初獻及獻
配帝畢奏

歲之祥國之陽蒼靈敬翠雲長象爲節龍爲章

乘長日。坏蟄戶。烈雲漢。迎風雨。六呂歌。雲門舞。
省滌濯。奠牲牷。鬱金酒。鳳凰樽。迴天睠。顧中原。

皇夏

飲福酒

國命在禮。君命在天。陳誠唯肅。飲福唯虔。洽斯
百禮。福以千年。鈎陳掩映。天駟徘徊。彫禾飾竿。
翠羽承壘。受斯茂祉。從天之來。

雍夏

撤奠

禮將畢。樂將闌。迴日轡。動天關。翠鳳搖和鸞。響
五雲。飛三步。上風爲馭。雷爲車。無轍迹。有煙霞。

暢皇情休靈命雨雷甘雲餘慶

皇夏

就望
燎位

六典聯事九司咸則率由舊章于焉允塞掌禮
移次燔柴在焉煙升玉帛氣歛牲牷休氣聲香
膋芳昭晰翼翼虔心明明上徹

皇夏

還便
殿

玉帛禮畢神人事分嚴承乃瞻瞻仰廻雲輦路
千門土城九軌式道移候司方廻指得一惟清
千萬斯寧受茲景命于天告成

周祀方澤歌四首

方澤神淵
同園丘

昭夏

降神

報功陰澤辰禮玄郊平琮鎮瑞方鼎升庖調歌
孫竹縮酒江茅聲舒鐘鼓罷質陶匏列燿秀華
凝芳都荔川澤茂祉丘陵容衛雲飾山壘蘭浮
沕齊日至之禮歆茲大祭

昭夏

奠玉帛

曰若厚載欽明方澤敢以恭敬陳之玉帛德包
含養功藏靈迹斯箱旣千子孫則百

登歌

初獻

質明孝敬求陰順陽壇有四陛琮分八方牲牷
蕩滌蕭合聲香和鑾戾止振鷺來翔威儀簡簡
鐘鼓喤喤聲和孤竹韻入空桑封中雲氣坎上
神光下元之主功深蓋藏

皇夏

望坎位

司筵撤席掌禮移次廻顧封壇恭臨坎位瘞玉
埋俎藏芬歛氣是曰就幽成斯地意

周祀五帝歌十二首

皇夏

奠王帛

嘉玉惟芳嘉幣惟量成形惟

一作衣

禮稟色隨方

神班其次歲禮惟常威儀抑抑率由舊章

皇夏

初獻

惟令之月惟嘉之辰司壇宿設掌史誠陳敢用
明禮言功上神鈎陳旦闢閭闔朝分旒垂象冕
樂奏出雲將廻霆策蹕轉天文五運周環四時
代序鱗次玉帛循廻樽俎神其降之介福斯許

青帝雲門舞

以下並初獻奏

甲在日鳥中星禮東后奠蒼靈樹春旗命青史
候鴈還東風起歌木德舞震宮泗濱石龍門桐
孟之月陽之天億斯慶兆斯年

配帝舞

帝出于震蒼德于神其明在日其位居春勞以
定國功以施人言從配祀近取諸身

赤帝雲門舞

招搖指午對南宮日月相會寶沆中離光布政
動溫風純陽之月樂炎精赤雀丹書飛送迎朱

絃絳鼓聲虔誠萬物人養各長生

配帝舞

以炎爲政以火爲官位司南陸享配離壇三和
實俎百味浮蘭神其茂豫天步艱難

黃帝雲門舞

三光儀表正四氣風雲同戊巳行初曆黃鐘始
變宮平琮禮內鎮陰管奏司中齋壇芝曄曄清
野桂馮馮夕牢芬六鼎安歌韻八風神光乃超
忽嘉氣恒怱怱

配帝舞

四時咸一德五氣或同論
猶吹鳳凰管尚對椿
桐園器園居士厚位總配神尊始知今奏樂還
用我雲門

白帝雲門舞

肅靈兌景承配秋壇雲高火落露白蟬寒帝律
登年金精行令瑞獸霜耀祥禽雪映司藏肅殺
萬寶咸宜厥田上上收功在斯

配帝舞

金行秋令白帝朱宣司正五雉歌庸九川執文
之德對越彼天介以福祉君子萬年

黑帝雲門舞

北辰爲政玄壇北陸之祀員官宿設玄璜浴蘭
坎德陰風御寒次律將迴窮紀微陽欲動細泉
管猶調于陰竹聲未入于春絃待歸餘於送歷
方履慶于新年

配帝舞

地始坼虹始藏服玄玉居玄堂沐蕙氣浴蘭湯

匏器潔水泉香涉配彼福無疆君欣欣此樂康

周宗廟歌十二首

皇夏

皇帝入廟門

肅肅清廟嘏嘏寢門
歆罷防滿金人戒言應棟
懸鼓崇牙樹羽階變升歌
庭紛象舞閑安象設
絺熙清奠春鮪初登新萍
先薦僂然入室儼乎
在位悽愴履之非寒之謂

昭夏

降神

永維祖武潛慶靈長
龍圖革命鳳曆歸昌
功移

上塲德耀中陽清廟肅肅猛簋煌煌曲高大夏
聲和盛唐牲牷蕩滌蕭合馨香和鑾戾止振鷺
來翔永敷萬國是則四方

皇夏

組入皇
帝升階

年祥辨日上協龜言奉酎承列來庭駿奔雕禾
飾華翠羽承樽敬殫如此恭惟執燔

皇夏

獻皇
高祖

慶緒千重秀洪源萬里長無時猶戢翼有道故
韜光盛德必有後仁義終克昌明星初肇慶大

電久呈祥

皇夏

獻皇帝曾祖
德皇帝

克昌光上烈基聖穆西藩崇仁高涉渭積德被
居原帝圖張往迹王業茂前尊重芬德陽廟疊
慶壽陵園百靈光祖武千年福孝孫

皇夏

獻皇帝祖大
祖文皇帝

雄圖屬天造宏略遇羣飛風雲猶聽命龍躍遂
乘機百二當天險三分拒樂推函谷風塵散河
陽氛霧晞濟弱淪風起扶危頽運歸地紐崩還

正天樞落更追原祠乍超忽畢隴或綿微終封
三尺劒長卷一戎衣

皇夏

獻文宣
皇太后

月靈興慶沙祥發源功參禹迹德贊堯門言容
典禮禴狄徽章儀形溫德令問昭陽日月不居
歲時晚晚瑞雲纏心闕宮帷遠

皇夏

獻閔
皇帝

龍圖基代德天步屬艱難謳歌還受瑞揖讓乃
登壇升輿芒刺重入位據關寒卷舒雲汎濫游

揚日浸微出鄭終無反居桐竟不歸祀夏今惟
舊尊霸謚更追

皇夏

獻明
皇帝

若水逢降君窮桑屬惟政丕哉馭帝錄鬱矣當
天命方定五雲官先齊八風令文昌氣似珠太
史河如鏡南宮學未開東觀書還聚文辭金石
韻毫翰風颺豎清室桂馮馮齊房芝詡詡寧思
玉管笛空見靈衣舞

皇夏

獻高祖
武皇帝

南河吐雲氣北斗降星辰百靈咸仰德千年一
聖人書成紫微動律定鳳凰馴六軍命西土甲
子陳東隣戎衣此一定萬里更無塵煙雲同五
色日月並重輪流沙旣西靜蟠木又東臣凱樂
聞朱鴈饒歌見白麟今爲六代祀還得九疑賓

皇夏

飲福酒

禮殫裸獻樂極休成長離前掞宗祀文明縮酌
浮蘭澄壘合鬯罄折禮容旋廻靈貺受釐撤俎
飲福移樽惟光惟烈文子文孫

皇夏

還便殿

庭闕四始筵終三薦顧步堦墀徘徊餘奠六龍
矯首七萃警途鼓移行漏風轉相鳥翼翼從事
綿綿四時惟神降嘏永言保之

周大祫歌二首

昭夏

降神

律在夾鍾服居蒼袞杳杳清思綿綿長遠就祭
于合班神于本來庭有序助祭有章樂舞六代
賓歌二王和鈴以節條革斯鏘齊宮饌玉鬱

浮金洞庭鐘鼓龍門瑟琴其樂已變惟神是臨

登歌

奠玉帛○餘同宗廟時享

神惟顯思不言而令玉帛之禮敢陳莊敬奉如弗勝薦如受命交于神明懋千言行

周五聲調曲二十四首

序曰元正饗會大禮賓至食舉稱觴薦玉六律既從八風斯暢以歌大業以舞成功

宮調曲五首

氣離清濁剖元開天地分三才初辨正六位始

成文繼天爰立長安民乃樹君其明廣如日其
澤厚如雲惟昔我文祖撥亂拒謳歌三分未撫
運八百不陵河禮敷天下信樂正神人和風塵
行息警江海欲無波

我皇承下武革命在君臨應圖當舜玉嗣德受
堯琴沈首多推運陽城有讓心就日先知遠觀
淵早見深玄精實委御蒼正乃皆平履端朝萬
國年祥慶百靈玉帛咸觀禮華戎各在庭鳳嚮
中夷則天文正玉衡皇基自天保萬物乃由

握衡平地紀觀象正天樞祺祥鍾赤縣靈瑞炳
皇都更受昭華玉還披蘭葉圖金波來白兔弱
木下蒼鳥玉斗調元協金沙富國租青丘還擾
圖丹穴更巢梧安樂新城慶長生百福符

明明九族序穆穆四門賓陰陵朝北附蟠木引
東臣淵途求版築溪源取釣綸多士歸賢戚維
城屬茂親貴位連南斗高榮據北辰迎時乃推
策司職且班神日月之所照霜露之所均永從
文軌一長無外戶人

鬱盤舒棟宇崢嶸侔大壯拱木詔林衡全模徵
梓匠千櫨綺翼浮百栱長虹抗北去邯鄲道南
來偃師望龍首載文櫬雲楣承武帳居者非求
隘卑宮豈難尚壯麗天下觀是以從蕭相

變宮調二首

帝遊光出震君明擅在離巖廊惟眷顧欽若尚
無爲龍穴非難附鸞巢欲可窺具茨應不遠汾
陽寧足隨烝民播植重溝洫劬勞多桑林還注
雨積石遂開河明徵逢永命平秩值年和更有

薰風曲方聞晨露歌

移風廣軒曆崇德盛唐年成文興大雅出豫動
鈞天黃鐘六律正閭闔八風宣孤竹調陽管空
桑節雅弦舞林鸞更下歌山鳳欲前聞音能辨
俗聽曲乃思賢感物觀治亂心恒防未然君子
得其道太平何有焉

商調曲四首

君以宮唱寬大而謨明臣以商應聞義則可行
有熊爲政訪道于容成殷湯受命委任于阿衡

忠其敬事有罪不逃刑誦其箴諫言之無隱情
有剛有斷四方可以寧旣頌旣雅天下乃升平
專精一致金石爲之開動其兩心妻子恩情乖
苟利社稷無有不盡懷昊天降祐元首唯康哉
百川俱會大海所以深羣材旣聚故能成鄧林
猛虎在山百獸莫敢侵忠臣處國天下無異心
昔我文祖執心且危慮驅剪豺狼經營此天步
今我受命又無敢逸豫惟爾弼諧各可知兢懼
禮樂旣正神人所以和玉帛有序志欲靜干戈

各分符瑞俱誓裂山河今日相樂對酒且當歌
道德以喻聽撞鐘之聲神姦不若觀鑄鼎之形
鄧宮旣朝諸侯于是穆岐陽或狩淮夷自此平
若涉大川言憑于舟楫如和鼎實有寄于鹽梅
君臣一體可以靜氛埃得人則治何世無奇
風力是舉而台階序平重黎旣登而天地位成
功無與讓銘太常之旌世不失職受駢毛之盟
輯瑞班瑞穆穆于堯門惟翰惟屏膺膺于周原
功成而治定禮樂斯存復子而明辟姬旦何言

角調曲二首

止戈見于絕轡之野稱伐聞于丹水之征信義
俱存乃先忌食五材並用誰能去兵雖聖人之
大寶曰位實天地之大德曰生涇渭同流清濁
異能琴瑟並御雅鄭殊聲擾擾烝人聲教不一
茫茫禹跡車軌未并志在四海而尚恭儉心包
宇宙而無驕盈言而無文行之不遠義而無立
勤則無成惻隱其心訓以慈惠流宥其過哀矜
典刑

匡贊之士或從漁釣雲雨之才乍嘆幽谷尋芳
者追深徑之蘭識韻者探一作窮山之竹克明
其德貢以三事樹之風聲言于九牧協用五紀
風若從事農用八政甘作其穀殊風共軌見之
周南異畝同穎聞之康叔祁寒暑雨是無胥怨
天覆雲油滋焉漌漌幸無謝上古之淳人庶可
以封之于比屋

徵調曲六首

乾坤以含養覆載日月以貞明照臨達人以四

海爲務明君以百姓爲心水波蘭者源必遠樹
扶陳者根必深雲雨取施無不洽廊廟求才多
所任

淳風布政常無欲至道防人能變俗求仁義急
于水火用禮讓多于菽粟屈軼無佞人可指獬
豸無繁刑可觸王道蕩蕩用無爲天下四人誰
不足

聖人千言始一生黃河千年始一清攝提以之
而從紀玉燭于是而文明東南可以補地闕西

北可以正天傾浮鼉則東海可厲運鍾則南山
可平衆仙就朝于瑤水羣帝受享于明庭懷和
則鍊任並奉功烈則鐘鼎俱銘

三光以記物成形四時以裁成正位雷風太山
岳之響寒暑通陰陽之氣武功則六合攸同文
教則二儀經緯有道則咸洽其德好生則各繁
其類白月經天中則移明月橫漢滿而虧能虧
能缺旣無爲雖盈雖滿則不危闢信義以爲苑
囿立道德以爲城池周監二代所捐益郁郁乎

文其可知庖犧之親臨佃漁神農之躬秉耕稼
湯則救旱而憂勤禹則正冠而無暇草上之風
無不偃君子之耻知可化將欲比德于三皇未
始追踪于五霸

纖纖不絕林薄成涓涓不止江河生事之毫髮
無謂輕慮遠防微乃不傾雲官乃垂拱大君鳳
曆唯欽明元首類上帝而禋六宗望山川而朝
羣后地鏡則山澤俱開河圖則魚龍合負我之
天網莫不該閭闔九關天門開卿相則風雲玄

感匡贊則星辰下來旣興周室之三聖乃舉唐
朝之八才莘臣參謀于左相天老教政于中台
其宜作則于明哲故無崇信于姦回

正陽和氣萬類繁君王道合天地尊黎人耕植
于義圃君子翱翔于禮闈落其實者思其樹飲
其流者懷其源咎繇爲謀不仁遠士會爲政羣
盜奔克寬則昆蟲內向彰信則殊俗宅心浮橋
有月支抱馬上苑有烏孫學琴赤玉則南海輸
賁白環則西山獻琛無勞鑿空于大夏不待蹶

角千躡林

羽調曲五首

樹君所以牧人立法所以靜亂首惡旣其南巢
元兇于是北竄居休氣而四塞在光華而兩旦
是以雨施作解是以風行唯渙周之文武洪基
光宅天下文思千載克聖咸熙七百在我應期
實昊天有成命惟四方其訓之

運平後親之俗時亂先疎之雄踰桂林而驅象
濟弱水而承鴻旣浮于呂之氣還吹八律之風

錢則都內貫朽倉則常平粟紅火申乃寒乃暑
年和一風一雨聽鐘磬念封疆聞笙竽思蓄聚
璫琨篠簜旣從恠石鉛松卽序長樂善馬成廐
水衡黃金爲府

百川乃宗巨海衆星是仰北辰九州攸同禹跡
四海合德堯臣朝陽栖于鳴鳳靈時牧于般麟
雲玉葉而五色月金波而兩輪涼風迎時北狩
小暑戒節南巡山無藏于紫玉地不愛于黃銀
雖南征而北怨實西略而東賓旣永清于四海

終有慶于一人

定律零陵玉管調鐘始平銅尺龍門之下孤桐
泗水之濱鳴石河靈于是讓珪山精所以奉璧
滌九川而賦稅乘三危而納錫北里之禾六穗
江淮之茅三脊可以玉檢封禪可以金繩探冊
終永保于鴻名足揚光于載籍

太上之有立德其次之謂立言樹善滋于務本
除惡窮于塞源冲深其智則厚昭明其道乃尊
仁義之財不匱忠信之禮無繁動天無有不屈

唯時無閑不徹作德心逸日休作僞心勞日拙
自非剛克掩義無所離于勦絕

庾開府集卷之四

周新野庾信子山著

明閩漳張燮紹和纂

樂府

對酒歌

以下五言
○文苑英華作范雲非

春水望桃花春洲藉芳杜琴從

一作隨

綠珠借酒

就文君取牽馬向渭橋日曝

一作落

山頭脯山簡

接羅倒王戎如意舞箏鳴金谷園笛韻平陽塢

人生一百年歡笑惟三五何處覓錢刀求爲洛

陽賈

昭君辭應詔

歛眉光祿塞還望夫人城
片片紅顏落雙雙淚
眼生冰河牽馬渡雪路
抱鞍行胡風入骨冷夜
月照心明方調琴上曲
變入一作胡笳聲

王昭君

拭啼辭戚里回顧望昭陽
鏡失菱花影釵除却
月梁圍腰無一尺垂淚有千行
綠衫承馬汗紅
袖拂秋霜別曲真多恨
哀絃湏更張

出自薊北門行

薊門還北望役役盡傷情
關山連漢月隴水向秦城
笳寒蘆葉脆弓凍紆弦鳴
梅林能止渴複姓可防兵
將軍朝挑戰都護夜巡營
燕山猶有石湏勒幾人名

結客少年塲行

結客少年塲春風滿路香
歌撩李都尉果擲潘河陽
隔花遶勸酒就水更移牀
今年喜大壻新拜羽林郎
定知蜀碧玉偷嫁汝南王

道士步虛詞十首

渾成空教立元始正圖開赤玉靈文下朱陵真
氣來中天九龍館側景八風臺雲度弦歌響星
移空殿廻青衣上少室童子向蓬萊逍遙聞四
會倏忽度三災

無名萬物始有道百靈初寂絕乘丹氣玄明上
玉虛三元隨建節八景逐廻輿赤鳳來銜璽青
鳥入獻書壞机仍成机枯魚還作魚栖心浴日
館行樂止雲墟

凝真天地表絕想

一作相

寂寥前古真猶虛豁忘

形本自然開經壬子世值道甲申年廻雲隨舞
曲流水逐歌絃石髓香如飯芝房脆似蓮停鸞
譙瑤水歸路上鴻天

道生乃太乙守靜卽玄根中和煉九氣甲子謝
三元居心受善水教學重香園鳬畱報關吏鶴
去盡城門更以忻無迹還來寄絕言

洞靈尊上德虞石會明真要妙思玄牝虛無養
谷神丹丘乘翠鳳玄圃御斑麟移藜付苑吏種

杏乞山人自此逢何世從今復幾春海無三尺
水山成數寸塵

東明九芝蓋北燭五雲車飄飄入倒景出沒上
烟霞春泉下玉靄青鳥向金華漢帝看桃核齊

侯問棗花上元應送酒來向蔡經家

石刻云應逐上元酒

同來訪蔡家○陝西藩司有石刻書書此及北闕臨玄水二首字畫奇勁或出庾公筆也題云謝靈運書乃後人妄擬爾

歸心遊太極迴向入無名五香芬紫府千燈照

赤城鳳林採珠寶龍山種玉榮夏簣三舌響

一作

夏笛春鐘九乳鳴
絳河應遠別黃鵠來相迎
北闕臨玄水南宮生絳雲
龍泥印玉策大火煉
真文上元風雨散中天
歌吹分靈駕千尋上空
香萬里聞

地境堦基遠天牕影迹深
碧玉成雙樹空青爲
一林鵲巢堪煉石蜂房得煮金
漢武多驕慢淮南不小心
蓬萊入海底何處可追尋

麟洲一海澗玄圃半天高
浮丘迎子晉若士避
盧敖經餐林慮李舊食綏山桃
成丹湏竹節刻

隨用蘆刀無妨隱士去卽是賢人迹

烏夜啼

桂樹懸知遠風竿詎肯低獨憐明月夜孤飛猶
未酒虎賁誰見惜御史詎相携誰言入絃管終
是曲中啼

怨歌行

以下
六言

家住金陵縣前嫁得長安少年回頭望鄉淚落
不知何處天邊胡塵幾日應盡漢月何時更圓
爲君能歌此曲不覺心隨斷弦

舞媚娘

朝來戶前照鏡含笑盈盈自看眉心濃黛直點
顰角輕黃細安和疑落花漫去復道春風不還
少年唯有歡樂飲酒那得畱殘

烏夜啼

以下
七言

促柱繁絃非子夜歌聲舞態異前溪御史府中
何處宿洛陽城頭那得棲彈琴蜀郡卓家女織
錦秦川竇氏妻詎不自驚長淚落到頭啼烏恒
夜啼

燕歌行

代北雲氣晝昏昏千里飛蓬無復根寒鴈噫噫
渡遼水桑葉紛紛落薊門晉陽山頭無箭竹疎
勒城中乏水源屬國征戍久離君陽關音信絕
能疎願得魯連飛一箭持寄思歸燕將書渡遼
本自有將軍寒風蕭蕭生水紋妾驚甘泉足烽
火君訝漁陽少一作多障雲自從將軍出細柳蕩
子空牀難獨守盤龍明鏡餉秦嘉碎惡生香寄
韓壽春分燕來能幾日二月蠶眠不復久玉臺作不

能食洛陽遊絲百丈連黃河春水千片穿桃花顏
色好如馬榆筴新開巧似錢蒲桃一杯千日醉
無事九轉學神仙定取金丹作幾服能令華表
得千年

楊柳歌

河邊楊柳百丈枝別有長條踈地垂河水衝激
根株危倏忽河中風浪吹可憐巢裡鳳凰兒無
故當年生別離流槎一去上天池織女弄機當
將一作見隨誰言從來應數國直用東南一小枝

昔日公子出南皮何處相尋玄武陂駿馬翩翩
西北馳左右彎弧仰月交連錢障泥渡水騎白
玉手板落盤螭君言丈夫無意氣試問燕山那
得碑鳳凰新管簫史吹朱鳥春窻玉女窺銜雲
酒盃赤瑪瑙照日食螺紫琉璃百年霜露菴離
披一旦功名不可爲定是懷王作計誤無事翻
覆用張儀不如飲酒高陽池日暮歸時倒接羅
武昌城下誰見移官渡營前那可一作得知獨憶
飛絮鵝毛下非復青絲馬尾垂欲與梅花畱一

曲共將長笛管中吹

詩

奉和泛江

藝文作王臺卿
非○以下五言

春江下白帝盡舸向黃牛錦纜回沙磧蘭橈避
荻洲濕花隨水泛空巢逐樹流建平船梯下荆
門戰艦浮岸社多喬木一作羣樹山城足迴樓日落
江風靜龍吟迴上遊

奉和山池

樂宮多暇豫望苑暫迴輿鳴笳陵絕浪飛蓋歷

通渠桂亭花未落桐門葉半踈荷風驚浴鳥橋
影聚行魚日落含山氣雲歸帶雨餘

簡文帝山池附

日暮芙蓉水聊登鳴鶴舟飛鱸餽羽茝長幔
覆緹油停輿依柳息住蓋影空留古樹橫臨
沼新藤上挂樓魚遊向閣集戲鳥逗楂流

陪駕幸終南山和宇文內史

玉山乘四載瑤池宴八龍龜橋浮少海鵠蓋上
中峯飛狐橫塞路白馬當河衝水奠三川石山

封五樹松長虹雙瀑布圓闕兩芙蓉戍樓鳴夕
鼓山寺響晨鐘新蒲節轉促短筍簪猶重樹宿
含櫻鳥花留驤蜜蜂迎風下列缺灑酒召昌容
且欣陪北上方欲待東封

宇文昶陪駕幸終南山附

堯蓋臨河潁漢蹕踐華嵩日旂迴北鳳星旂
轉南鴻青雲過宜曲先驅背射熊金桴拂泉
底玉琯吹雲中古轍稱難極新途或易窮烟
生山欲盡潭淨水恒空交松上連霧修竹下

來風仙才道無別靈氣法能同東棗盃朝座
西桃猷夜宮詔令王子晉出對浮丘公

和宇文內史春日遊山

遊客值春輝金鞍上翠微風送花迎面山深雲
濕衣鴈持一足倚猿將兩臂飛戍樓侵嶺路山
村落獵圍道士封君達仙人丁令威煮丹於此
地居然未肯歸

遊山

一作遊仙

聊登玄圃殿更上增城山不知高幾里低頭看

世間唱歌雲欲聚彈琴鶴欲舞澗底百重花山
一派雨婉婉藤倒垂亭亭松直豎

和宇文京兆遊田

小苑禁門開長楊獵客來懸知畫眉罷走馬向
章臺澗寒泉反縮山晴雲倒回熊饑自舐掌鴈
驚獨銜枚美酒餘杭醉一作至芙蓉卽奉杯

奉報寄洛州

舟師會孟津甲子陣東隣雷轅驚戰鼓劍室動
金神幕府風雲氣軍門關塞人長旂析鳥羽合

甲抱犀麟星芒一丈燄月暈七重輪黎陽水稍
淶官渡桺應春無庸奉天騰驅傳牧南秦繁詞
勞簡牘雜俗弊風塵上洛逢都尉商山見逸民
留滯終南下唯當一史臣

奉報窮秋寄隱士

詩彙作王
褒詩非

王倪逢嚙缺桺溺偶長沮藜床負日卧麥隴帶
經鋤自然曲木几無名科斗書聚花聊飼雀穿
池試養魚小村治澁路低田補壞渠秋水牽沙
落寒藤抱樹踈空在平原騎來過仲蔚廬

上益州上柱國趙王二首

銅梁影棠樹石鏡寫褰帷
兩江如漬錦雙峰似畫眉
穿荷低晚蓋衰柳掛殘絲
風流盛儒雅泉湧富文詞
無因同子淑暫得侍臨淄

寂寞歲陰窮蒼茫雲貌同
鶴毛飄亂雪車轂轉飛蓬
鴈歸知向暖鳥巢解背風
寒沙兩岸白獵火一山紅
願想懸鶉獎肯嗟陋巷空

謹贈司寇淮南公

危邦乂亂德天策始乘機
九河聞誓衆千里見

連旂號亡垂棘返齊平寶鼎歸久獎風塵俗殊
勞關塞衣絆驥還千里垂鵬更九飛猶憐馬齒
進應念節旄稀廻軒入故里園柳始依依舊竹
侵行徑新桐益幾圍寒谷梨應重秋林栗更肥
美酒還參聖雕文本入微促歌迎趙瑟遊絃召
楚妃小人司刺舉明敷一作實濫吹南部治都時
尉軍謀假建威商山隱士石一作宅丹水鳳凰磯
野亭長被馬山城早掩扉傳呼擁絳節交戟映
彤闌遂令忘楚操何但食周薇三十六水變四

十九條非丹竈風烟歎年齡蒲柳衰同僚敢不
盡疇日懼難追

正旦上司憲府

詰旦啓門闌繁辭湧筆端蒼鷹下獄吏獬豸飾
刑官司朝引玉節盟載捧珠盤窮紀星移次歸
餘律未彈雪高三尺厚冰深一丈寒短笋猶埋
竹香心未起欄孟門久失路扶搖忽上搏栖鳥
還得府乘馬復歸欄榮華名義重虛薄報恩難
枚乘還起疾貢禹遂彈冠方垂蓮葉劍未用竹

根丹一知懸象法誰思垂釣竿

任洛州酬薛文學見贈別

子居河之曲英彥本連蹤鹽形成變虎鼎氣乍
成龍若人承載德宮牆定數重五衢開辯路四
照起文烽曰余濫推轂民願始天從上洛分都
尉弘農開附庸羊腸連九阪熊耳對雙峰白石
仙人芋青林隱士松北梁送孫楚西堤別葛龔
故人倘書札黎陽土足封

將命至鄴

大國脩聘禮親隣自此敦張旌事原隰負展報
成言西過犯風露北指度輾轅交歡值公子展
禮觀王孫何以譽嘉樹徒欣賦采繁四牢盈折
俎三獻滿壘樽人臣無境外何由欣此言風俗
旣殊阻山河不復論無因旅南館空欲祭西門
眷然惟此別夙期幸共存

將命至鄴酬祖正員

我皇臨九有聲教洎無隄典文盛禮樂偃武息
氓黎承乏驅騏驎旌旗事琬珪古碑文字盡荒

城年代迷被隴文仄熟交塍香穗低投瓊實有
慰報李更無蹊

入彭城館

襄君前建國項氏昔稜威鵬飛傷楚戰雞鳴悲
漢園年一作世代殊氓俗風雲更盛衰水流浮磬

動山喧雙翟飛夏餘花欲盡秋近鷺將稀槐庭
垂綠穗蓮浦落紅衣徒知日云暮不見舞雩歸

同州還

赤岸繞新村青城臨綺門范睢新入相穰侯始

出蕃上林催獵響河橋爭渡喧竄雉飛橫澗藏
狐入斷原將軍高宴晚來過青竹園

從駕觀講武

校戰出長楊兵欄入闔塲置陣橫雲起開營鴈
翼張門嫌磁石礙馬畏鐵菱傷龍淵觸牛斗繁
弱駭天狼落星奔驥馱浮雲上騶駟急風吹戰
鼓高塵擁貝裝駭猿時落木驚鴻屢斷行樹寒
條更直山枯菊轉芳豹略推全勝龍圖揖所長
小臣欣寓目還知奉會昌

奉報趙王出師在道賜詩

上將出東平先定下江兵

一作張

弓伏石動振

鼓沸沙鳴橫海將軍號長風駿馬名雨歇殘虹
斷雲歸一鴈征暗巖朝石濕空山夜火明低橋
淵底渡狹路花中行錦車同建節魚軒異泊營
軍中女子氣塞外夫人城小人乖攝養岐路阻
逢迎幾月芝田熟何年金甕成哀笳關塞曲嘶
馬別離聲王子身爲寶深恩不倚衡

和趙王送峽中軍

橫船聊習戰白羽試撫軍山城對却月岸陣抵
平雲赤虵懸勢影流星抱劒文胡笳遙驚夜塞
馬暗嘶羣客行明月峽猿聲不可聞

奉和趙王途中五韻

藝文云王褒作舊集載此疑誤收也

飄飄映車幕出沒望連旗度雲還翊陣迴風卽
送師峽路沙如月山峰石似眉村桃拂紅粉岸
柳被青絲錦城遙可望迴鞍念此時

侍從徐國公殿下軍行

八風占陣氣六甲候兵韜置府仍張幕麾軍卽

乘旄長旗臨廣武烽火照成臯巡寒重挾纈酌
水勝單醪陣後雲逾直兵深星轉高電燄驅龍
馬山精鏤寶刀塞迥翻榆葉關寒落鴈毛旣得
從神武何須念久勞

同盧記室從軍

樂府作
從軍行

河圖論陣氣金匱辨星文地中鳴鼓角天上下
將軍函犀恒七屬絡鐵本千羣飛梯聊度絳合
弩瞋凌汾寇陣先中斷妖營卽兩分連烽對嶺
度嘶馬隔河聞箭飛如疾雨城崩似壞雲英王

於此戰何用武安君

盧思道從軍行附

朔方烽火照甘泉長安飛將出祈連
犀渠玉劍良家子白馬金鞍俠少年
平明偃月屯右地薄暮魚麗逐左賢
谷中石虎經銜箭山上金人曾祭天
天涯一去無窮已薊門迢遞三千里
朝見馬嶺黃沙合夕望龍城陣雲起
庭中奇樹已堪攀塞外征人殊未還
白雪初下天山外浮雲直上五原間
關山萬里不可越

誰能坐對芳菲月流水本自斷人腸
堅冰舊來傷馬骨邊庭節物與華異
冬霰秋霜春不歇長風蕭蕭渡水來
歸鴈連連映天沒從軍行軍行萬里
出龍庭單于渭橋今已拜將軍何處
覓功名

伏聞遊獵

虞旗喜旦晴獵馬向山橫石關魚貫上山梁
鴈翅行雪平尋兔跡林藜聽雉聲馬嘶山谷響
弓寒桑柘鳴聞弦鳥自落望火獸空驚無風樹
卽

正不凍水還平誰知茂陵下願入睢陽城

見征客始還遇獵

貳師新受詔長平正凱歸猶言乘戰馬未得解
戎衣上林遇逐獵宜春蹙合圍漢帝熊猶憤秦
王雉更飛故人迎借問念舊始依依河邊一片
石不復肯支機

奉和闡弘二教應詔

五明教已設三元法復開魚山將鶴嶺清楚兩
邊來香煙聚爲塔花雨積成臺空心論佛性貞

氣辨仙才露盤高掌滴風烏平翅迴無勞問一作
訪待詔自識昆明灰

至老子廟應詔

虛無推馭辨寥廓本乘蜺三門臨苦縣九井對
靈谿盛丹湏竹節量藥用刀圭石似臨邛芋芝
如封禪泥旌毛新鵠小盤根古樹低野戍孤烟
起春山百鳥啼路有三千別途經七聖迷唯一作
行當別關吏直向流沙西

奉和趙王遊仙

藏山還採藥有道得從師京兆陳安世成都李
意期玉京傳相鶴太乙授飛龜白石香新芽青
泥美熟芝山精逢照鏡樵客值圍棋石紋如碎
錦藤苗似亂絲蓬萊在何處漢后欲遙祠

奉和同泰寺浮圖

和梁簡文帝

岌岌凌太清照殿比東京長影臨雙闕高層出
九城拱積行雲礙幡搖度鳥驚鳳飛如始泊蓮
合似初生輪重對月滿鐸韻擬鸞聲畫水流全
住圖雲色半輕行一作露晚盤猶滴珠朝火更明

雖連博望苑還接銀沙城
天香下桂殿仙梵入
伊笙庶聞八解樂方遣六塵情

簡文帝望同泰寺浮圖附

遙看官佛圖帶壁復垂珠
燭銀踰漢汝寶鐸
邁昆吾日起光芒散風吟宮徵殊
露落盤桓
滿桐生鳳不雛飛幡雜晚虹
盡鳥狎晨鳧梵
世凌空下應真蔽景趨帝馬
咸千轡天衣盡
六銖意樂開長表多寶現金軀
能令苦海渡
復使慢山踰願能同四忍
長當出九居

奉和法筵應詔

五城隣北極百雉壯西昆鉤陳橫複道閭闔拓
靈軒千柱蓮花塔由旬紫紉圍佛影胡人記經
文漢語翻星窺朱鳥牖雲宿鳳凰門新禽解雜
轉春柳卧生根早雷驚蟄戶流雪長河源建始
移交讓徽音種合昏風飛扇天辯泉湧屬絲言
羈臣從散木無以預中天
遙可望終類仰
鵬弦

和從駕登雲居寺塔

一作和趙王
遊雲居寺

重巖千仞塔危磴九層臺石關恒逆上山梁乍
斗迴堦下雲峰出窓前風洞開隔嶺鐘聲度中
天梵響來平昔欣侍從於此蹔徘徊

和何儀同講竟述懷

無名卽講道有動定論機安經讓禮席正業理
儒衣似得遊焉趣能同捨講歸石渠人少歇華
陰市暫稀秋雲低晚氣短景側餘輝螢排亂草
出鴈拾斷蘆飛別有平陵逕蕭條客鬢衰饑噪
空倉雀寒驚嬾婦機實欣懷諛問逢君理入微

謏音

小

奉和趙王隱士

洛陽微五隱東都別二賢雲氣浮函谷星光集

潁川霸陵採樵路

一作徑

成都賣卜錢鹿裘披稍

裂蓆牀坐欲穿阮籍唯長嘯嵇康訝一弦澗險
無平石山深足細泉短松猶百尺少鶴已千年
野鳥繁弦嘯山花焰火然洞風吹戶裏石乳滴
窓前雖無亭長識終見野人傳

擬詠懷二十七首

步兵未飲酒中散未彈琴索索無真氣昏昏有
俗心涸鮒常思水驚飛一作羽每失林風雲能變

色松竹且悲吟由來不得意何必往長岑

赭衣居傅巖垂綸在渭川乘舟能上月飛幘欲
捫天誰知志不就空有直如弦洛陽蘇季子連
衡遂不連旣無六國印翻思二頃田

姐豆非所習帷幄復無謀不言班定遠應爲萬
里侯燕客思遼水秦人望隴頭倡家遭強娉質
子值仍畱自憐才智盡空傷年鬢秋

楚材稱晉用秦臣卽趙冠離宮延子產羈旅接
陳完寓衛非所寓安齊獨未安雪泣悲去魯悽
然憶相韓唯彼窮途慟知余行路難

惟忠且惟孝爲子復爲臣一朝人事盡身名不
足親吳起嘗辭魏韓非遂入秦壯情已消歇雄
圖不復申移住華陰下終爲關外人

疇昔國士遇生平知己恩直言珠可吐寧知炭
可一作吞一願重尺璧千金輕一言悲傷劉孺

子悽愴史皇孫無因同武騎歸守灞陵園

榆關斷音信漢使絕經過胡笳落淚曲羌笛斷
腸歌纖腰減束素別淚損橫波恨心終不歇紅
顏無復多枯木期填海青山望斷河

白馬向清波乘冰始渡河置兵湏近水移營喜
龜多長坂初垂翼鴻溝遂倒戈的顱於此去虞
兮柰若何空營衛青塚徒聽田橫歌

北臨玄菟郡南戍朱鳶城共此無期別俱知萬
里情昔嘗遊令尹今肯事客卿不特貧謝富安
知死羨生懷秋獨悲此平生何謂平

悲歌度燕水，弭節出陽關。李陵從此去，荆卿不復還。故人形影滅，音書兩俱絕。遙看塞北雲，懸想關

天一作

山雪。遊子河梁上，應將蘇武別。

搖落秋爲氣，淒涼多怨情。啼枯湘水竹，哭壞杞梁城。天亡遭憤戰，日感值愁兵。直虹朝映壘，長星夜落營。楚歌饒恨曲，南風多死聲。眼前一杯酒，誰論身後名。

周王逢鄭忿，楚后值秦寃。粉衝已鶴列，冀馬忽雲屯。武安檐瓦振，昆陽猛獸奔。流星夕照鏡，烽火

火夜燒原古獄饒冤氣空亭多枉魂天道或可
問微芳不忍言

橫流邁屯慝上塲結重氛哭市聞妖獸頽山起
帷雲綠林多散卒清波有敗軍智士今安用忠
臣且未聞惜無萬金產東求滄海君

吉士長爲吉善人終日善大道忽云垂生民隨
事蹇有情何可豁忘懷固難遣麟窮季氏豈虎
振周王圈平生幾種意一旦衝風卷

六國始咆哮縱橫未定交欲競連城玉翻徵縮

酒茅折骸猶換子登爨已懸巢壯冰初開地盲
風正折膠輕雲飄馬足明月動弓弭楚師正圍
華秦兵未下嶠始知千載內無復有申包
橫石三五片長松一兩株對君俗人眼真興理
常無野老披荷葉家童掃栗跼竹林千戶封耳
橘萬頭奴君見愚公谷真言此谷愚

日晚荒城上蒼茫餘落暉都護樓蘭返將軍疎
勒歸馬有風塵氣人多關塞衣陣雲平不動秋
蓬卷欲飛聞道樓船戰今年不解圍

尋思萬戶侯中夜忽然愁
琴聲遍屋裏書卷滿
牀頭雖言夢蝴蝶定自非
莊周殘月如初月新
秋似舊秋露泣連珠下
螢飄碎火流樂天乃知
命何嘗能不憂

憤憤天公曉精神殊乏少
一郡催曙雞數處驚
眠鳥其學乃于于其憂
惟悄悄張儀稱行薄管
仲稱器小天下有情人
居然性靈天

在死猶可忍爲辱豈不寬
古人持此性遂有不
能安其面雖可熱其心
長自寒匣中取明鏡披

圖自照看幸無侵餓理差有犯兵欄擁節時驅
傳乘亭不據鞍代郡蓬初轉遼陽桑欲乾秋雲
紛絮結白露水銀團一思探禹穴無用鑿鼻蘭
倏忽市朝變蒼茫人事非避讒應采葛忘情遂
食薇懷愁正搖落中心愴有違獨憐生意盡空
驚槐樹衰

日色臨平樂風光滿上蘭南國美人去東家棗
樹完抱松傷別鶴向鏡絕孤鸞不言登隴首唯
得望長安

鬪麟能食日戰水定驚龍
鼓鞀喧七萃風塵亂九重
鼎湖去無返蒼梧悲不從
徒勞銅雀妓遥望西陵松

無悶無不悶有待何可待
昏昏如坐霧漫漫疑行海
千年水未清一代人先改
昔日東陵侯唯見瓜園在

懷抱獨惛惛平生何所論
由來千鍾意併是桃花源
穀皮兩書帙壺盧一酒樽
自知費天下也復何足言

蕭條亭障遠悽慘風塵多
關門臨白狄城影入
黃河秋風別蘇武寒水送荆軻
誰言氣蓋世晨
起帳中歌

被甲陽雲臺重雲久未開
雞鳴楚地盡鶴唳秦
軍來羅梁猶下碯楊排久飛
灰出門車軸折吾
王不復回